

	Pagin.		Pagin.
Zedoariæ Summitates	50	Zincum hydrocyanicum	455
Zincum	89, 296	muriaticum	147
aceticum	97	oxydatum	208
borussicum	135	sulphuricum	254
chloratum	147	valerianicum	284
cyanatum	135	Zingiberis Radix.	90

ADDENDA.

MATERIA MEDICA.

APIUM, Radix.

Apium graveolens L. (Pentandria Digynia L.; fam. Umbelliferae).
Planta biennis in locis paludosis frequens.

Radix fusiformis pollicem fere crassa, extus grisea, intus alba, sapor primum aromatico et amaro, dein acri. Siccatione dulcescit.

CITRUS LIMETTA, Oleum.

Citrus Limetta Risso (Polyadelphia Icosandria L.; fam. Aurantiaceae).
Arbor in Europa australi culta.

Oleum venale e cortice fructuum expressum. Sit sublimpidum, flavescens, odoris gratissime aromatici, saporis cum aliqua acredine amaro-aromatici.

CYNORRHODON s. CYNOSBASTOS, Fructus.

Rosa Canina L. (Icosandria Polygynia L.; fam. Rosaceae). Frutex in Belgio frequens.

Fructus maturus bacciformis, coloris coccinei, saporis acidi, cui insunt nuculi (achænia) pilosi.

FOENICULUM VULGARE, Radix.

Fœniculum vulgare Dec. (Pentandria Digynia L.; fam. Umbelliferae).
Herba biennis vel perennis apud nos culta.

Radix fusiformis, digitum crassa, annulata, fibrosa, in centro lignosa; qua nota a radice Petroselini distinguitur.

GENISTA, Semen.

Spartium scoparium L. (Diadelphia Decandria L.; fam. Leguminosæ).
Planta perennis Europæ.
Semina parva, subcylindrica, splendentia, flava, saporis dulcis.

PETROSELINUM, Radix recens.

Radix fusiformis, simplex vel subramosa, digitum circiter crassa, extus albida, intus alba, succulento-carnosa, odoris proprii subaromatici, saporis dulciusculo-aromatici subpungentis.

RUSCUS, Radix.

Ruscus aculeatus L. (Diœcia Monadelphia L.; fam. Asparagineæ). Frutex in Belgio haud rarus.

Radix (rhizoma) cylindrica, flexuosa, nodosa, calami crassitudine, extus coloris e cinereo flavescentis, intus albida, odoris nullius, saporis dulcis ac amari.

SOLANUM NIGRUM, Folia.

Solanum nigrum L. (Pentandria Monogynia L.; fam. Solanææ). Herba annua in ruderatis frequens.

Folia petiolata, ovata, dentato-sinuata, obscure viridia, saporis fere nullius, odoris virosi.

TURPETHUM, Radicis Cortex.

Convolvulus Turpethum L. (Pentandria Monogynia L.; fam. Convolvulaceæ). Planta Indiæ orientalis, Zeyloniæ, Malabariæ, etc.

Radix fibrosa digitum crassa, extus cinerea, intus alba, inodora, sapore nauseoso.

PRÆPARATA.

SUCCUS BELLADONNÆ INSPISSATUS.

Extractum Belladonnæ defæcatum.

R. Succis recentis Belladonnæ clarificati. . . . Q. V.

Succus balneo mariæ sub perpetua agitatione inspissetur ad mellis consistentiam. Servetur in vase tecto, loco frigido et sicco.